

ქ. თბილისი

28 ნოემბრი 2016 წელი

ერთის მხრივ, შპს "საქართველოს გაერთიანებული წყალმომარაგების კომპანია" (შემდგომში "შემსყიდველი") წარმოდგენილი მისი დირექტორის გიორგი კობერიძის სახით და მეორეს მხრივ შ.პ.ს. "სოკარ ჯორჯია პეტროლეუმი" (შემდგომში "მიმწოდებელი") წარმოდგენილი იურისტის კახაბერ გოგოლაძის (პ/ნ 01006008662, თანახმად 14.04.2016 წლის მინდობილობისა ინდ.#71593758028816, რეგ.#160381734 სახით, სახელმწიფო შესყიდვების სააგენტოს თავმჯდომარის 2014 წლის 4 დეკემბრის N11 ბრძანებით დამტკიცებული „ნავთობპროდუქციის (საწვავის) კონსოლიდირებული ტენდერის ჩატარების წესისა და პირობების“ მე-5 მუხლის მე-6 პუნქტისა და ნავთობპროდუქციის (საწვავის) კონსოლიდირებული ტენდერის სატენდერო კომისიის N1201, N4216 და N4250 ნებართვების (შემდგომ ტექსტში „ნებართვა“) შესაბამისად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 "ხელშეკრულება სახელმწიფო შესყიდვების შესახებ" (შემდგომში - "ხელშეკრულება") შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ერთი - შემსყიდველს.
- 1.2 "ხელშეკრულების ღირებულება" - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სასაცვლოდ.
- 1.3 "დღე", "კვირა", "თვე" - კალენდარული დღე, კვირა, თვე.
- 1.4 "შემსყიდველი" - ორგანიზაცია რომელიც ახორციელებს შესყიდვას.
- 1.5 "მიმწოდებელი" - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 "საქონელი" - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ხელშეკრულების საგანს წარმოადგენს 750 ლიტრი ბენზინი ევრო რეგულარის და 200 ლიტრი ბენზინი პრემიუმის (შემდგომში „საქონელი“) შესყიდვა (CPV-09132000- ბენზინი), მათ შორის 200 ლიტრი ბენზინი პრემიუმის შესყიდვა N4216 ნებართვის ფარგლებში, 440 ლიტრა ბენზინი ევრო რეგულარის შესყიდვა N4250 ნებართვის ფარგლებში და 310 ლიტრა ბენზინი ევრო რეგულარის შესყიდვა N1201 ნებართვის ფარგლებში;

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს 1513 ლარს.
- 3.2. 1 (ერთი) ლიტრი ევრო რეგულარის ფასია 1,54 ლარი, ხოლო 1 (ერთი) ლიტრი პრემიუმის ფასია 1,79 ლარი;
- 3.3. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დ.დ.გ.-ს აგრეთვე საწვავის მიწოდებასთან დაკავშირებულ ყველა თანამდეგ ხარჯს, მათ შორის საწვავის შენახვის ხარჯებს ავტოგასამართი სადგურებიდან მის გაცემამდე.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 4.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების შემდეგ სპეციალური საგადასახადო ანგარიშ-ფაქტურის საფუძველზე.
- 4.3 მიმწოდებელთან ანგარიშსწორება განხორციელდება შემსყიდველის მიერ მოთხოვნილი რაოდენობისა და სახეობის საწვავის მიღებიდან 3 (სამი) კალენდარული დღის ვადაში.

5. საქონლის მიღება-ჩაბარების წესი

- 5.1 საქონელი ან მისი ნაწილი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდგომ.
- 5.2 შემსყიდველის მხრიდან წარმომადგენელია რატი კვანტალიანი პ/ნ 01024070289

6. საქონლის მიწოდების ადგილი და ვადა

- 6.1 საწვავის მიწოდებას მიმწოდებელი უზრუნველყოფს საბარათე სისტემით, მიმწოდებლის ავტოგასამართი სადგურების ქსელის მეშვეობით.

- 6.2 შემსყიდველის მიერ მოთხოვნილი რაოდენობისა და სახეობის საწვავი ჩაერიცხება (გააქტიურდება) შემსყიდველის სპეციალურ ანგარიშზე, პლასტიკური ბარათებზე საწვავის შემდგომი განაწილებას ინტერნეტით მოახდენს შემსყიდველი.
- 6.3 შემსყიდველის მიერ, ინტერნეტ ანგარიშით პლასტიკური ბარათების მართვის გამოყენების შემთხვევაში, შესაბამის ბარათებზე ლიმიტების ცვლილების, დაბლოკვის და სხვა ყველა სახის ცვლილებებზე პასუხისმგებლობა ეკისრება, თავად შემსყიდველ ორგანიზაციას (ინტერნეტ ანგარიშის ინსტრუქცია მოცემულია ვებ.გვერდზე <http://www.sgp.ge>)
- 6.4 შემსყიდველისათვის გადაცემული ბარათები გააქტიურდება და მათი გამოყენება შესაძლებელი იქნება მხარეთა შორის ბარათების გადაცემის თაობაზე მიღება-ჩაბარების აქტის გაფორმებისთანავე.
- 6.5 მიმწოდებელი უფლებამოსილია დროებით (არაუმეტეს 1,5 საათისა) შეაჩეროს საწვავის გაცემა ამა თუ იმ ავტოგასამართ სადგურზე საწვავის მიღების დროს და მიღების შემდეგ, რათა უზრუნველყოფილ იქნას პერსონალის და მომხმარებლების უსაფრთხოება და საწვავის სათანადო ხარისხი.
- 6.6 საწვავის მიწოდება განხორციელდება 2016 წლის 15 დეკემბრის ჩათვლით.

7. მხარეთა უფლება-მოვალეობანი

- 7.1 შემსყიდველს უფლება აქვს:
 - 7.1.1. შეამოწმოს მიწოდებული საწვავის შესაბამისობა ხელშეკრულებით გათვალისწინებულ პირობებთან;
 - 7.1.2. უარი თქვას უხარისხო საწვავის მიღებაზე.
- 7.2 შემსყიდველი ვალდებულია:
 - 7.2.1 წერილობით აცნობოს მიმწოდებელს საწვავის მიწოდებასთან დაკავშირებული ყველა განსაკუთრებული გარემოების შესახებ;
 - 7.2.2. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
 - 7.2.3. დაიცვას ხელშეკრულების სხვა პირობები.
- 7.3. მიმწოდებელს უფლება აქვს:
 - 7.3.1. მოსთხოვოს შემსყიდველს მიწოდებული საწვავის ღირებულების ანაზღაურება ხელშეკრულებით გათვალისწინებული პირობებით.
- 7.4. მიმწოდებელი ვალდებულია:
 - 7.4.1. გააფრთხილოს შემსყიდველი საწვავის მიწოდების პროცესში შეფერხების შესახებ;
 - 7.4.2. დაიცვას ხელშეკრულებით გათვალისწინებული ყველა პირობა.

8. ხელშეკრულებით ნაკისრი ვალდებულებების შესრულების ინსპექტირება

- 8.1 შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს (კონტროლი) ინსპექტირება, რომლის მიზანია საქონლის შესაბამისობი დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 8.2 ხელშეკრულების 8.1 პუნქტით გათვალისწინებულ (კონტროლს) ინსპექტირებას განახორციელებს შემსყიდველის შესაბამისი უფლებამოსილი წარმომადგენელი.

9. პირგასამტეხლო ხელშეკრულების პირობების შეუსრულებლობისათვის

- 9.1 ხელშეკრულებით ნაკისრი ვალდებულებების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე დროულად მიუწოდებელი საწვავის ღირებულების 0,1%-ის ოდენობით;
- 9.2 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, დროულად გადაუხდეელი თანხის 0,1% ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.
- 9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3 (სამი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება, პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებებში ცვლილებების შეტანა და ხელშეკრულების შეწყვეტა

- 10.1 მიმწოდებლის მიერ შემსყიდველისაგან საწვავის ყოველი მიწოდების თაობაზე მოთხოვნის (წერილობითი ან/და ზეპირი) მიღებისას, მხარეები ვალდებული არიან მიმწოდებლის მიერ საწვავის მოთხოვნის მიღების დღისათვის არსებული მონაცემების გამოყენებით მოახდინონ ფასების გადაანგარიშება, ამ მუხლით განსაზღვრული წესით და თუკი ადგილი ექნება ამ პუნქტში მითითებული ფასების შეცვლის საფუძველს, შემდგომში წერილობითი შეთანხმებით გააფორმონ ახალი ფასები. თუ ამ საფუძველს არ ექნება ადგილი, ძალაში დარჩება მხარეებს შორის ბოლო შეთანხმებული ფასი. ფასი ძალაში დარჩება გადაანგარიშებიდან 3 (სამი) სამუშაო დღის ვადით. თუკი შემსყიდველი აღნიშნულ ვადაში არ მოახდენს საწვავის შესყიდვას, გადაანგარიშებული ფასები კარგავს ძალას და შემსყიდველი ვალდებული იქნება ხელახლა წარმოუდგინოს მიმწოდებელს საწვავის მოთხოვნის შესახებ განცხადი.
- 10.2 ფასის შესაძლო ცვლილების შესახებ მეორე მხარის გაფრთხილება ან რაიმე სახის შეზღუდვების გააზიანა საკუთარ მოვალეობათა

11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით.

11.2 შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 15 იანვრის ჩათვლით.

შესყიდველი

მიმწოდებელი

შპს "საქართველოს გაერთიანებული წყალმომარაგების კომპანია" მის: ქ.თბილისი, ვაჟა-ფშაველას 76ბ სს „ლიბერთი ბანკი“ ცენტრალური ფილიალი კოდი: 220101480, LBRTGE22 ა/ა N GE77LB0113123325230012 ს/კ 412670097 დირექტორი გიორგი კობერიძე	შპს „სოკარ ჯორჯია პეტროლუმი“ მის.: ქ.ბურჯგალას ქ. №56 საიდენტიფიკაციო კოდი:202352514 საბანკო რეკვიზიტები: სს „საქართველოს ბანკის“ ცენტრალური ფილიალი ბანკის კოდი:BAGAGE22 ანგარიშის ნომერი: GE02BG0000000233446600 ტელ.: 249 97 57 იურისტი კახაშვილ გოგოლაძე
---	---

მოამზადა:

შესყიდვების დეპარტამენტის გამარტივებული
შესყიდვების სამსახურის უფროსი:

შეთანხმებულია:

შესყიდვების დეპარტამენტის უფროსი:

დირექტორის მოადგილე ფინანსურ საკითხებში:

ტრანსპორტისა და ლოჯისტიკის დეპარტამენტის უფროსი:

ტრანსპორტის სამსახურის სპეციალისტი:

მალხაზ ლაბაძე

ჯაბა შაგულაშვილი

ეკატერინე გალდავა

მიხეილ ქათამაშვილი

რატი კვანტალიანი